

Henry par la grace de dieu roy de France, à tous ceulx qui ces présentes lettres verront salut scavoir faisons que nous inclinans liberalement a la supplication et requette que faicte nous a esté par aulcuns espe(ci)aulx de nos serviteurs en la faveur de notre amé et féal⁽¹⁾ valet de chambre ordinaire, maitre de nos comptes a Montpellier Guillaume de La GORCE, seigneur de la Roque et Valons et ayant esgard et considérations aux bons et agréables services qu'il nous a par cy-devant faitz et faict chacun jour tant en ces dits estatz que autrement, en plusieurs et diver ses manières mesmes en cestuy⁽²⁾ notre camp ou il est avec bon et suffisant esquipage et affin qu'il ayt occasion de bien en mieulx continuer cy après, pour ces causes et pour la bonne confiance que nous avons en sa personne et de ses sens, suffisances, loyauté, preudhomye, expérience et bonne diligence, à icelluy avons donné et octroyé, donnons et octroyons par ces présentes l'office de notre lieutenant général lay⁽³⁾ de robe courte en la sénéchaussée de Beaucaire et Nymes siège présidial dudit lieu, et de Cappitaine du chasteau et forteresse dudit Nymes que a par avant tenu et exercé, tient et exerce encore de présent François de BOZIGUES seigneur dudit lieu, lequel de nos voulloir et consentement s'en est ce jourd'huy desmis en nos mains par son procureur suffisamment fondé de lettres de procuration quant à ce au proffict dudit de La GORCE pour par ledit La GROSSE avoir, tenir et exercer ledit office aux honneurs, auctorités, prérogatives préminences, franchises, libertés, gaiges, pensions, chevauchées, taxations, droictz, proffictz et esmolumentz acoustumés et que y appartient tant qu'il nous plaira proveu que ledit résignant une quarante jours après la date de sesdites présentes par lesquelles donnons en commandement a notre tres cher féal et grand amy le cardinal de Sens garde de nos sceaulx et au sénéchal de Beaucaire, cappitaine dudit chasteau et fort de Nymes et a chacun d'eulx si comme à luy appartiendra que dudit de La GROCE prins et receu le serment en tel cas requis et acoustumé, icelluy mette et institue ou fassent mettre ou instituer de par nous en possession et saisine dudit office ensemble des honneurs, auctorités, prérogatives, préhéminence, franchises, libertés, gaiges, pensions, chevauchés, taxations, droictz, proffictz et esmolumentz des susdites fassent, souffrent et laissent ledit de La GROCE jouir et user plainement et paisiblement et a icelluy obeir et entendre de tous seulx et ainsy qu'il appartiendra en choses touchans et convenans ledit office, mandons en oultre a notre amé et féal conseiller le trésorier de France estably à Montpellier que par celluy de nos receveurs qui se pourra toucher, il fasse paier, bailler et délivrer audit de La GROCE lesdits gaiges, taxations et droictz oudit office appartenant aux termes et en la manière acoustumée, lesquelz en rapportant lesdites présentes ou vidimus⁽⁴⁾ d'icelles faict soubz scel royal et quittance dudit de La GROSSE, sur ce suffisante seulement nous voullons estre passer et allouéz en la despence desdits comptes et rabatus de la recepte de notre receveur que paiés les aura par nos améz et feaulx les gens de nos comptes à Paris et Montpellier ausquelz nous mandons ainsy le faire sans disfaculté car tel est notre plaisir. En tesmoing de ce avons faict mettre notre scel a sesdites présentes, donné au camp près a Nymes le dixième jour octobre l'an de grace mil cinq cens cinquante huit de notre reigne le douzième par le roy le roy (sic) de Navarre présent DUTHIER⁽⁵⁾, ledit seigneur de La ROQUE desnommé cy dessus a faict et presté le serment deu, requis et acoustumé pour raison de l'office de lieutenant général lay de robe courte en la sénéchaussée de Beaucaire et Nymes et siège présidial d'icelle et de cappitaine du chasteau fort dudit Nymes dont mention est faicte es présentes es mains de Monseigneur le cardinal de Sans garde des sceaulx de France, le sixième jour de novembre l'an mil cinq cens cinquante huit, moy présent FIZES⁽⁶⁾ lesdites lettres ont esté

(1) amé et féal : aimé et loyal

(2) cestuy : celui-ci

(3) lay : laïc

(4) vidimus : copie certifiée bien lue et examinée

(5) Jean DU THIER : secrétaire d'état d'Henri II

(6) Simon FIZES de SAUVE : secrétaire du garde des sceaux, secrétaire d'état, gouverneur de Montpellier, ministre